



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conversio Peccatoris, Seu Modus quo Peccator communiter resurgit ad justitiam.

Lefelon, Antoine

Bruxellis, 1675

§. 4. Nec sufficit ejusmodi formulas etiam cum sensibili devotione, imò & cum lachrymis legisse, neque talis sensibilis devotio semper à Deo est.

urn:nbn:de:hbz:466:1-9433

peccatoris maximè inveterati conversionem communiter satis non fit ejusmodi precatiunculæ semel facta recitatio, hâc adhibitâ regulariter nec pœnitens, nec Confessarius, nisi temerariè judicare potest omnem defectum esse sublatum, ac pœnitentem debitè conversum.

§. IV.

Nec sufficit ejusmodi formulas etiam cum sensibili devotione, imò & cum lachrymis legitisse, neque talis sensibilis devotio semper à Deo est.

Sed quid si ejusmodi precatiuncula sensibili cum devotione & lachrymis fuerit recitata? Et tum fallaciam subesse posse asserit Manuductio. Contra Appendix num. 253. *Hoc est, ait, nimium diffidere, & omnes peccatores in desperationem precipitare.*

Verùm sensibilem istam, quam dicunt, devotionem unà cum conjunctis ei lachrymis fallacem esse posse, & impiis inesse, est in comperto. *Solida animi jucunditas*, ait cum bonorum omnium sensu nuper defunctus Eminentiss. Card. Bo- Princip. vi-
na, non in fervoris affluentia, non in sensibili tæ Christ. p.
dulcedine, non in mollibus quibusdam affectibus 1. §. 44.
& lachrymis consistit: nam etiam Turcæ & alii

infideles in suis precibus & sacrificiis hæc interdum experiuntur.

*Spec. char.
ap. 7.*

Refert de quodam Aëlredus D. Bernardo coævus, *Qui cum immuni vitiorum gurgite absorptus omni se spurcitiæ & immunditiæ traderet, nihil prorsus flagitii perhorresceret; in tali vita sæpiùs compungebatur, sæpiùs lachrymabat: nec solùm timore panæ & peccatorum suorum recordatione, quod fortè nemo miraretur, sed etiam miro affectu in amoris Jesu dulcedinem resolutus, quodam mentis osculo ipsum videretur amplecti.* Ejusmodi proindè sensibilis compunctio non semper legitima est debitiæ conversionis probatio, quia & nonnunquam à Dæmone ortum habet, qui sæpè emollit corda hæreticorum, aliorumque perversorum, eosque, commovendo humores, ad lachrymas flectit, ut decepti sibi persuadeant se à recta via non aberrare. Hâc suâ arte quandam nuper plures annos quoque octiduo, pro festorum occurrentia, bis tervè sacrilegè fecit communicare: quod in initio quidem nonnihil repugnante conscientia, sed de cætero suscepto venerabili Domini Corpore, miræ dulcedinis gustu perfunderetur, imò Angelorum consortio sibi frui videretur.